



Broj: 376/24

Datum: 26.02.2024. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14 i 59/22), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18 i 3/22), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, direktor JP „LOKOM“ d.o.o. Sarajevo, **donosi**

## **ODLUKU O IZBORU NAJPOVOLJNIJEG PONUĐAČA**

### **Član 1.**

Prihvata se preporuka Komisije za nabavke iz Zapisnika o pregledu i ocjeni ponuda broj: 366/24 od 23.02.2024. godine i Okvirni sporazum za javnu nabavku usluga: Najam radnih mašina sa rukovaocem za potrebe Službe za održavanje površinskih slojeva lokalnih cesta JP „LOKOM“ d.o.o. Sarajevo, dodjeljuje se ponuđaču: DINALSA d.o.o. Sarajevo sa sjedištem u Sarajevu na adresi Huseina Đoze br. 3, 71000 Sarajevo sa cijenom ponude u iznosu od 63.250,00 KM bez PDV-a, odnosno 74.002,50 KM sa PDV-om.

### **Član 2.**

Obavezuje se ponuđač iz člana 1. ove Odluke da u roku od 5 (pet) dana od dana prijema Odluke o izboru najpovoljnijeg ponuđača, dostavi dokumentaciju traženu tačkom 3.1.3 tenderske dokumentacije koja se odnosi na član 45. stav (2) Zakona o javnim nabavkama BiH.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, donijet će se nova odluka u korist onog ponuđača čija je ponuda po rang-listi odmah nakon ponude najuspješnijeg ponuđača.

### **Član 3.**

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

### **Član 4.**

Protiv ove Odluke dozvoljena je žalba u roku od 10 (deset) dana od dana prijema iste.

## **O b r a z l o ž e n j e**

Postupak za javnu nabavku usluga: Najam radnih mašina sa rukovaocem za potrebe Službe za održavanje površinskih slojeva lokalnih cesta JP „LOKOM“ d.o.o. Sarajevo, putem otvorenog postupka, pokrenut je Odlukom o pokretanju postupka javne nabavke br. 81/24 od 18.01.2024. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

Shodno članu 16. Zakona o javnim nabavkama predmetni postupak javne nabavke nije podijeljen na lotove jer se radi o cjelovitoj i istovrsnoj nabavci, odnosno nabavci usluga najma mašine rovokopača - gusjeničara.



Ukupna procijenjena vrijednost javne nabavke iznosi 74.750,00 KM bez PDV-a. Za ovaj postupak javne nabavke predviđeno je zaključenje okvirnog sporazuma na period od 1 (jedne) godine.

Obavještenje o nabavci i tenderska dokumentacija su objavljeni na Portalu javnih nabavki dana 23.01.2024. godine u 15:03 sati pod brojem: 269-1-2-3-3-19/24, a sažetak Obavještenja o nabavci objavljen je u „Službenom glasniku BiH“ br. 6/24 dana: 26.01.2024. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" broj 80/22).

Kriterij za dodjelu ugovora je najniža cijena. U skladu sa članom 11. Pravilnika o uslovima i načinu korištenja e-Aukcije („Službeni glasnik BiH“, broj 80/23) ugovorni organ, za ovaj postupak javne nabavke, tenderskom dokumentacijom nije predvidio provođenje e-Aukcije.

Prema Izvještaju o preuzimanju tenderske dokumentacije od strane ponuđača tendersku dokumentaciju, sa Portala javnih nabavki, je preuzelo 8 (osam) potencijalnih ponuđača zaključno sa krajnjim datumom za preuzimanje tenderske dokumentacije.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da, u periodu koji je ostavljen za dostavljanje ponuda, nije bilo postavljenih pitanja vezano za pojašnjenje tenderske dokumentacije.

U određenom krajnjem roku za dostavu ponuda (13.02.2024. godine do 10:00h) blagovremeno su dostavljene 2 (dvije) ponude, i to ponuda ponuđača: 1. Obrtnička djelatnost „OD BAŠALIJA“ vl. Bašalija Nermin sa sjedištem u Sarajevu na adresi Branislava Nušića br. 39, 71000 Sarajevo, BiH, koja je zaprimljena kod ugovornog organa pod brojem protokola 132/24 dana 12.02.2024. godine u 11:40 sati; 2. „DINALSA“ d.o.o. Sarajevo sa sjedištem u Sarajevu na adresi Huseina Đoze br. 3, 71000 Sarajevo, BiH, koja je zaprimljena kod ugovornog organa pod brojem protokola 136/24 dana 13.02.2024. godine u 08:40 sati.

Komisija imenovana Rješenjem direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 13.02.2024. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova i sačinila Zapisnik o otvaranju ponuda koji je uz Zapisnik o zaprimanju ponuda, putem e-maila, odmah prosljeđen ponuđačima koji su učestvovali u predmetnom postupku javne nabavke, u skladu sa tačkom 5.14 predmetne tenderske dokumentacije, koja reguliše način komunikacije između ugovornog organa i ponuđača. Na javnom otvaranju ponuda nije bilo prisutnih ponuđača.

Zapisnikom o otvaranju ponuda konstatovano je da su ponude uredno zatvorene, te da su ponuđene cijene, kako slijedi: 1. Obrtnička djelatnost „OD BAŠALIJA“ vl. Bašalija Nermin u iznosu od 69.000,00 KM bez PDV-a, 2. „DINALSA“ d.o.o. Sarajevo u iznosu od 63.250,00 KM bez PDV-a.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila odgovarajući Zapisnik u kojem je utvrđeno sljedeće: da su blagovremeno zaprimljene 2 (dvije) ponude u određenom krajnjem roku; da nije bilo neblagovremenih ponuda; da je u skladu sa tačkom 5.12. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), izvršena provjera računске ispravnosti ponuda ponuđača Obrtnička djelatnost „OD BAŠALIJA“ vl. Bašalija Nermin i „DINALSA“ d.o.o. Sarajevo, te je konstatovano da u ponudama nije bilo računskih grešaka; da ponuđači: Obrtnička djelatnost „OD BAŠALIJA“ vl. Bašalija Nermin i „DINALSA“ d.o.o. Sarajevo nisu vršili ispravke u ponudama; da zaprimljene ponude ponuđača Obrtnička djelatnost „OD BAŠALIJA“ vl. Bašalija Nermin i „DINALSA“ d.o.o. Sarajevo ispunjavaju kriterije za kvalifikaciju,



odnosno ista su prihvatljive u formalno-pravnom, ekonomskom i tehničkom smislu, ispunjavaju postavljene zahtjeve ugovornog organa definisane tenderskom dokumentacijom, ponude ne prelaze planirana, odnosno osigurana novčana sredstva ugovornog organa za predmetnu nabavku.

Komisija za javne nabavke ugovornog organa je nakon izvršenog otvaranja, pregleda i ocjene pristiglih ponuda, a u skladu sa članom 64. stav (1) tačka b) Zakona o javnim nabavkama BiH, izvršila rangiranje prihvatljivih ponuda prema kriteriju „najniža cijena“, i to:

1. „DINALSA“ d.o.o. Sarajevo sa cijenom od 63.250,00 KM bez PDV-a.
2. Obrtnička djelatnost „OD BAŠALIJA“ vl. Bašalija Nermin sa cijenom od 69.000,00 KM bez PDV-a.

Na osnovu rezultata utvrđene rang liste, Komisija za javne nabavke ugovornog organa, dostavila je direktoru ugovornog organa Zapisnik o pregledu i ocjeni ponuda, te prijedlog o izboru najpovoljnijeg ponuđača DINALSA d.o.o. Sarajevo sa sjedištem u Sarajevu, Huseina Đoze br. 3, u predmetnom postupku javne nabavke, po ponuđenoj ukupnoj cijeni u iznosu od 63.250,00 KM bez PDV-a, odnosno 74.002,50 KM sa PDV-om.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

*Prilog: Kopija Zapisnika o pregledu i ocjeni ponuda broj: 366/24 od 23.02.2024. godine.*



"LOKOM" d.o.o. Sarajevo

Direktor

*[Signature]*  
Zoran Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.